

## IsiHlomelo A

### limbono malunga neVeki yoKwazisa ngaMakhondo omSebenzi kumaBakala 7 – 9 ngomhla we-9 ukuya kowe-13 kuOktobha 2017

1. Abafundi beBakala 7 bangaxiba ngendlela eqhele ukunxulunyaniswa nekhondo lomsebenzi elithile okanye nomsebenzi othile, njengowokuba ngumcimi-mlilo (*firefighter*), lipolisa, ngugqirha okanye ngumchweli (*carpenter*). Abafundi abangenako ukufumana uhlobo oluthile lwesinxibo banokufaka ilebhile ukubonisa amakhondo omsebenzi abo. Abafundi bangenza uphando ngamakhondo omsebenzi abawuthandayo, babhale ngawo baze bathi ngoSuku lokuNxiba ngokweKhondo loMsebenzi (*Career Dress-up Day*) benze inkcazo-ntetho bathethengophando lwabo.
2. Izikolo zingenza ikona yomboniso ngamakhondo omsebenzi kwiiklasi zamaBakala esi-7 ukuya kwawe-9, apho kuboniswa kuyo ingcaciso ngamakhondo omsebenzi ahlukahlukeneyo.
3. Izikolo zingacela izithethi ukuba zize kunika abafundi ingcaciso ngeemfuno zamakhondo omsebenzi ahlukahlukeneyo. Oku kufuneka kwenzeka ngaphandle kokuphazanyiswa kweeklasi zesiqhelo, ekubhetele kakhulu ngexesha leklasi yesifundo soLwazi ngezoBomi, emva kwexesha lesikolo, ngeempela-veki okanye ngeendibano zabazali zangokuhlwa (*parents-learner evenings*).
4. Kungacelwa abacebisi ngezamakhondo omsebenzi bathathe inxaxheba kwintlanganiso yabazali nabafundi ngokuhlwa kwiveki yema-9 ukuya kweyama-13 kuOktobha 2017.
5. Ootitshala besifundo soLwazi ngezoBomi banganika umsebenzi osekelwe kumxholo othi "UkuQhelaniswa neLizwe leMpangelo" ("*Orientation to the World of Work*") njengenxalenye yovavanyo lwabafundi olumiseliweyo (*formal assessment*). Iprojekthi ingayeyona nto ibhetele.
6. Ootitshala beelwimi bangayisebenzisela le veki ukuba abafundi benze iinkcazontetho zomlomo (*oral presentations*) okanye ezibhaliweyo (*written*) ngamakhondo omsebenzi abo exesha elizayo.
7. Izikolo zingaququzelela ukhuphiswano lokubhala isincoko. Abafundi mababhale isincoko esinamagama ali-100 ngekhondo lomsebenzi abanqwenela ukulilandela. Ezona zincoko zigqwesileyo zingafumana amabhaso.

8. Bonke abafundi kufuneka benze imisebenzi efumaneka kwibrowutshi yeVeki yoKwazisa ngaMakhondo omSebenzi (*Career Awareness Week brochure*) equka ukuzibekela umgangatho kunye nemisebenzi yophando ngamakhondo (*Goal-setting and Career Research Activities*).
9. Izikolo ezinazo iziseko zophuhliso eziyimfuneko zinokukopela (*download*) i-PACE Career Exploratory Questionnaire ekwi-intanethi ngokungena kwi-PACE Career Website apha [www.gostudy.co.za](http://www.gostudy.co.za) okanye ngokuya kwi-Western Education Department Curriculum Website apha [www.curriculum-dev.wcape.school.za](http://www.curriculum-dev.wcape.school.za) ze emva koko ziklikhe phantsi kwesihloko Curriculum GET, ziklikhe ku-Life Orientation olandelwa kokudityaniswa no-Life Orientation olandelwa ngu-Pace Career. Abafundi bangakwenza konke oku kwiselula zabo ezikumgangatho ophezulu (*smartphones*) ku-[www.gostudy.mobi](http://www.gostudy.mobi). Kufuneka basebenzise le website ukufumana umkhondo wemisebenzi: [www.educonnect.co.za](http://www.educonnect.co.za).

Ukuba ufuna nayiphi na ingcaciso engaphezu koku okanye unqwenela ukwabelana nathi ngeembono zakho, kucelwa uqhagamshelane noMnu Ismail Teladia kule dilesi ye-imeyili ilandelayo: [Ismail.Teladia@westerncape.gov.za](mailto:Ismail.Teladia@westerncape.gov.za)